



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

IX. Vt laici clericos actores, vel ratiocinatores sibi non constituent.

urn:nbn:de:hbz:466:1-15256

uitas vestra, vt vnusquisque clericus vel laicus non communicet in aliena plebe, sine literis episcopi sui. Gratus episcopus dixit: Nisi hoc obseruatum fuerit, communio fiet * passiuā. Nam si cum literis * fer. pal. sum. recepit fuerit, & concordia inter episcopos seruatur, & nemo subtilis, alterius fugiens communionem, ad alterum latenter accedit. Vniuersi dixerunt: Omnibus prouides, & clero & laicis consulis.

VIII.

distin. 54.
Magnus episcopus.

Magnus episcopus Astyagensis dixit: Quid dilectioni vestræ videtur? Procuratores, * & actores, etiam per se tutores pupillorum, si debeant ordinari? Gratus episcopus dixit: Si post deposita vniuersa & reddita ratiocinia, actus vitæ ipsorum fuerint probati in omnibus, debent & cum laude, cleri (si postulati fuerint) honore munerari. Si enim ante libertatem negotiorum vel officiorum, ab aliquo sine consideratione fuerint ordinati, ecclesia infamatur. Vniuersi dixerunt: Recte omnia statuit sanctitas tua. Ideoque ita est & nostra ista quoque sententia.

* actores, tutores etiam & executores seu curatores.

IX.

Metus Caunensis episcopus dixit: Recte statutum est, vt obnoxii alienis negotiis non ordinentur. Tamen dimissi, & gratias referre debent, & a clericorum iniuria temperare. Et ipsis non liceat, clericos nostros eligere apothecarios, vel ratiocinatores. Gratus episcopus dixit: Nulli dubium est, quod omnes vel domini, vel procuratores, vel quicumque præfunt, cum audierunt saluberrima instituta Concilii, & sibi esse consultum, nec impedi-

ANNO
CHRISTI
348.

tum, propriam debebunt temperare iniuriam in clericis nostris. Quod si iniuria constitutionis imperatoriae clericos inquietandos putauerint, si defensio ecclesiastica nos non deridet, pudor publicus vindicabitur. Vniuersi dixerunt: Saluberrimæ professiones debuerunt a tanto concedi Concilio.

X.

* Byzacienf.

Felix episcopus * Baianensis dixit: Nullus debet collegæ suo facere iniuriam. Multi enim transcendunt sua, & vsurpant aliena, ipsis inuitis. Gratus episcopus dixit: Auaritiæ cupiditatem, radicem ^{1. Tim. 6.} omnium malorum esse, nemo est qui dubitet. Proinde inhibendum est, ne quis alienos fines vsurpet, aut transcendat episcopum collegam suum, aut vsurpet alterius plebes, sine eius petitu, quia inde cetera mala omnia generantur. Vniuersi dixerunt: Placet placet.

XI.

* Chusitanus

Elpidophorus * Cuizitanus episcopus dixit: ^mStatuat sanctitas vestra, vt clerici, qui superbi vel contumaces sunt, coerceantur, vt qui minores maioribus irrogauerunt iniurias, metum habeant. Gratus episcopus dixit: Manifestum est illum non esse Dei, qui humilitatem contemnit, sed diaboli, ^{Iob. 41. v. 25. q. 7. Si quis tumidus.} qui superbiæ inuentor & princeps est. Vnde si quis tumidus vel contumeliosus extiterit in maiorem natu, vel aliquam causam habuerit, a tribus vicinis episcopis, si diaconus est, arguatur: presbyter, a sex: si episcopus, a duodecim consacerdotibus audiatur. Vniuersi dixerunt episcopi: Contemptus debet contumaciæ & superbiæ in omnibus

Concil. Tom. 3.

O ij